



I Kam long Presiden
Russell M. Nelson

Stap Help wetem RESTORESEN

Long 1820, Papa long Heven mo Jisas Kraes i bin kamaot long Josef Smit. Papa long Heven i talem, "Hem ia, Hem i Stret Pikinini blong Mi. !Lisin gud long hem!" Restoresen blong Gospel i stat long dei ia 200 yia i pas. !I stap gohed tedei!

Sam dei Jisas Kraes bae i kambak long wol ia bakegen. Hemia fo wei we yu save help wetem Restoresen mo rere from taem ia taem we Jisas bae i kambak:

- Bildim fet blong yu long Jisas Kraes.
- Faenemaot abaot famli blong yu mo help blong mekem tempol wok blong olgeta.
- Rere blong go long tempol.
- Helpem ol pipol blong lanem abaot Jisas Kraes mo Jos blong Hem.

Blong mekem ol samting ia, bae i help blong rere long wol blong dei ia we i gud tumas taem we !Jisas bae i kam bakegen! ●



OL PIKIA OLI KAM LONG KATIE MCDEE

Oli stretem aot long "Hop blong Isrel" (wol yut divosen, 3 Jun 2018), HopeOfIsrael.ChurchOfJesusChrist.org.

Presiden Nelson i bin talem se ol pikinini i save help wetem Restoresen. ?Wanem i wan wei we yu save help long hem?